


DE MODO DIVITIIS
ADHIBENDO
homini Christiano, doctissimi
ISIDORI CLARII

Monachi

ad Sues Brixianos

salutaris Oratio.



Divites intrabunt regnum caelorum.

MEDIOLANI

Apud Caluum Anno

M. D. XXXX.



ORNATISSIMO VIRO
IO. ALOISIO TROTTO

Annonæ Casareo Prasidi

J. Minicius Caluus S. P. D.

Vix in animum induxeram has doctissimi Isidori uigilias in lucem dare, cum tu quàm primum occurrissi, qui hoc munusculo multis sanè de causis dignus uidereris. Tu me frequenter hortatus es, ut cum libros excudendi prouinciam suscepissem, ab his potius feliciori auspicio initium sumerem, quæ facerent ad nostram religionem. Tu sacrarum literarum lectione sic afficeris, ut nihil æquè libenter uerses in manibus, hunc uerò libellum & quidè perlegisti, & constanter probasti, ut certò sciam tibi tuiq; similibus displicere non posse. tua etiam in me humanitas ita me sibi deuinxit, ut quandò tecum paria facere non possim, fateri compellat me tibi plurimum debere, ac rependendi facultatem deesse, non uoluntatem. Agitur hic præterea de diuitijs, qua animi moderatione re potius quàm nomine Christianus ijs uti debeat. te uerò fama iam constans est sic opibus tuis imperare, ut non tibi tantum, sed cuilibet etiam indigenti eas accumulasse credaris, dignus omnino, quem Franciscus Sfortia acerrimi quidem iudicij Princeps cum ob insitam probitatem atque sapientiam, tum ob animi mansuetudinem, ac præcipuam in omnes charitatem, Annonæ præficerit. Officio igitur meo defuturus mihi uidebar, si hoc opusculum sub tui nominis patrocinio tanquàm debitum non publicarem, cum præsertim uiderem inde ei plurimum & auctoritatis accessurum, & incunditatis. Prodiit (sicut reitè nosti) ex officina ut religiosissimi, ita & eruditissimi uiri, qui qualem operam nant Christianæ militiæ, propediem ex ijs patebit, quæ adhuc habet sub incude. Superest ut læta fronte illud excipias, & utpote pulcherrimum iterum atque iterum legas, cum aliquid otij ab occupationibus tuis, & philosophiæ studijs impetrare potueris, meaq; in te obseruantia memor, non tibi tantum diu uiuas, sed amicis. Vale.

homini Christiano habenda sit, ad ciues Brixianos
oratio, auctore Isidoro Clario Monacho.

VM in omnibus grauioribus causis, quæ vel ad hanc
uitam optimè regendam, uel ad futuram adipiscendam
maximè pertinent, oporteat vos quicunq; huc conue-
nistis mecum Ciues optimi laborare, atq; id nō audiendo tantū,
sed mente etiam et cogitatione agitando, quā uera sint, quamq;
rationi consentanea quæ pertractentur, tum in hac præcipuè re,
qua de agimus difficillima sanè, et in qua omnes ferè decipian-
tur, qui scilicet diuitiarum modus homini Christiano sit adhiben-
dus, necesse est, vt veterem morem imitemini eorum, qui ad ce-
lebres ludos, et athletarum certamina spectanda conueniebant,
quibus imperabatur, vt spectaturi nudo et aperto capite consi-
derent, hanc ob causam, mea sententia, vt non spectatores solum
sed collaborantes etiam pro sua quisq; parte esse uiderentur. Sic
certè æquum est, vos existimare communem hunc laborem esse,
neq; expectare, dum omnia minima mansa, ut nutrices pueris so-
lent, vobis in os inserantur, præsertim in tam periculoso nego-
tio, de quo vno Seruator ipse noster dixerit, Facilius esse came-
lum per foramen acus transire, quā diuitem intrare in regnum
cælorū. Nam cum multa sint, quæ homines à uia dei auocare, et
in eam etiam ingressos supplantare soleant (tā variæ enim spiri-
taliū venatorum, et latentium latronū insidiæ sunt, tot laquei,
tot retia, tot foveæ, quæ propheta et diuini viri spè commemo-

4
rant, vt, nisi quis caprea oculos, aut tanquam volucris sibi pen-
nas compareret, de quibus scriptum est. Frustra iacitur rete ante
oculos pennatorum, euadere non possit, quin fiat venatorū præ-
da miserabilis) nulla tamen res est, quæ tam facile capiat im-
prudentes, atque adeò omne hominum genus miserè perdat,
efficiatq; vt ne serò quidem errorem suum intelligant, quàm
opes, et copia, et insatiabilis habendi ardor. Quorum inex-
plebilis auaritia propterea in dies magis augetur, quòd hanc nō
ex vitio, sed ex necessitate proficisci putant. At meminisse
eos oporteret illas necessitates, quæ à natura sunt, faciliè ex-
pleri. eos verò affectus, qui ex morbo oriuntur, finem non ha-
bere. Quam enim ob causam ebrii, et qui aqua subter cutem fu-
sa laborant, semper sitiunt? aut ij, quos Græci ob nimiam ci-
bi appetentiam πολυμωρτας vocant, semper esuriunt? ni-
mirum quia non natura, sed morbus in causa est. sic in hoc stu-
dio diuitiarum, vbi primum animus vltra naturæ, ac necessi-
tatis terminos vagari capit, et superuacanea appetere, tum
demum illa insatiabilitas generatur, vt nemo, quamuis inge-
ntes in habendo progressus fecerit, iam adeptis, et paratis con-
tentus sit, sed cum ipsis opibus etiam habendi cupiditas augea-
tur. Atque illis id vsu venit, quòd in rapidis torrentibus, ac
ingentibus fluuijs fieri cernimus, vt cum semel extra alueum
fuerint egressi, ripasq; superauerint, iam euagandi terminos
nesciant, et præterea obuia quæq; secum rapiant, vt quidam
poeta ait, fluminis morem describens.

Lapides

- Lapidēs adēfos,

Stirpesq; raptas , & pecus , & domos

Voluentis vna , non sine montium

Clamore, vicināq; sylva.

Et sanè quid inter hunc fluvium, & avaritiæ æstus interest ? nisi quod avaro non vicini tantum agri, & armenta, & villæ, sed nescio an totius terræ possessio, & oceanus ipse satis esse posset. Non meminit communis naturæ, non cognatum esse inter se hominum genus recordatur, non intelligit terram, atque elementa omnia ea conditione ab optimo Deo creata esse, non ut ex eis quisque sibi quantum potest rapiat, sed ut contentus eo sit, quod ad vitæ pertineat necessitatem. Non exemplo saltem bestiarum, & ratione carentium animantium ipse ratione præditus admonetur, quæ cum ea, quæ sufficiant ad pellendam famem, acceperint, nihil præterea sibi vendicent, neque alijs inuideant alimenta. Quamobrem interminatur illis dominus, cum sæpè aliàs, tum per prophetam Esaiam. *Usque*, inquit, qui coniungitis domum ad domum, & agrum agro copulatis, usque ad terminum loci, nunquid habitabitis vos soli in medio terræ ? in auribus meis sunt hæc, dicit dominus exercituum. Perinde quasi hæc in primis observet, & abominetur, & semper aures eius harum rerum clamore circumsonent. Ego verò illud maxime minor, tam surdas huiusce generis hominum esse aures, ut, cum non diuina tantum volumina in eos inuehantur, verum

6
etiam Oratores , poetae , philosophi , & quicunque vel seria,
vel iocosa scribunt, eos, ut communem omnium pestem ex-
plodant, & detestentur, tantum clamorem soli ipsi non exau-
diant, ob eam causam opinor, quod audiendi instrumenta mul-
to auro ocluserint, ut vox iam ad eos penetrare non possit,
qui certè si quid percipere auditu possent, sola eos vnus poeta
sententia deterruisset, qui cum describeret, quae hominum ge-
nera ad inferos detrusa essent, de ijs sic ait.

Aut qui diuitijs soli incubuere repertis,
Nec partem posuere suis, quae maxima turba est.

Quae sententia eò etiam maiorem habet vim, quod non illos so-
lum apud inferos collocat, qui aliena rapuerunt, sed eos quoque,
qui paratis soli incubuerunt, & proximo cuique partem po-
nere neglexerunt, quod mirarer quo pacto ethnicus poeta ex-
cogitare potuisset, nisi intelligerem id à natura ipsa nos ad-
moneri, vitiosum, atque adeo sceleratum esse, & impium,
velle, cum ipse plenus fueris, ea etiam, quae superauerint,
cum eis alij indigeant, retinere. At quas, obsecro, poenas
ij daturi sunt, qui in CHRISTI leges nomen dederunt,
quibus praeter id, quod à ratione, & lege naturae docentur,
ipsa veritas IESVS CHRISTVS Dei filius, &
Deus tam aperta, tamque patentia monita è caelo attulit, dat
praecepta, intentat minas? Quanto se scelere obstringunt ij,
qui post tantam lucem orbi omnium terrarum declaratam, non-
dum illud intelligunt, quod ethnici in tanta errorum vora-
gine

2
gine depressi, & tam obscuris tenebris circumsepti intellexerunt? O vecordiam, ó cimmerias istorum tenebras. Equidem in hac cogitatione ita stupore opprimor, ita huius sceleris deterreor magnitudine, vt facilius ipse mecum sic admirando obmutescere, quàm orationem, quæ tam insignem improbitatem arguat, inuenire possim. Et tamen rursus me dolor extimulat, contemplantem, quanta sit passim earum iactura animarum, pro quibus ipse dei filius suam posuit, qui dolor eò etiam mihi magis augefcit, quòd plerosque omnes video in hac parte multa peccare, non obstinata peccandi voluntate. (nam sic fortasse nulla esset vtilitas admonendi) sed propterea, quòd nescio, quas sibi causas prætèxunt, atque illo opinionum errore decepti, multa sibi licere existimant, quæ si perspicere aliquantò altius erecti animo possent, desisterent facile sententia, sed ea nunc, dum ad humiles se referunt cogitationes, nequeunt iudicare. Quamobrem quò facilius esset eorum salus, atque paratior, si errorem hunc (quando non libenter peccare videntur, neque de industria) sibi ex animo auelli vel ipsi peterent, vel certè paterentur, eò magis exerucior, atque ad verba nunc facienda compellor, si forte (vt propheta verbis vtar) audiant & quiescant. Quamobrem omnes, quicunque optatis à vulgi (nam vulgi hic appellatione omnes accipio, qui ab Evangelica norma, & veritate declinant) & imperita multitudinis errore liberari, tota mente, atque omni animo ea, quæ hodie sum dicturus, ob-

seruate . & siquid interea dixerō , quod fortasse quorundam
auribus nouum , primoq; auditu , ob iam corruptos Christiana-
nae disciplinae mores , insolens videatur , quaeso tantisper iu-
diciū vestrū sustineatis , & eas opiniones , quas vobiscum
attulistis , deponatis , dum ego , quae sentiam , dico , qui si vo-
bis , vt spero & veritate ipsa fretus confido , probaui senten-
tiam meam , aequum erit vt in eandem vos relicto errore veni-
atis . sin id non potero , nihil prohibebit , quin cum eisdem cogi-
tationibus , quas secum quisq; tulerat , recedatis , atq; ita fiet , vt
vtrocuq; modo res sit casura , vobis hac oratio futura sit sa-
lutaris , & vel confirmatiores securioresq; cum vetustis opi-
nionibus abituri , vel erroris admoniti meliorem mentem , sapi-
entiusq; consilium affecuturi sitis . Sed vnde dicendi nobis fa-
cienda exordia sunt ? Opinor oportere prius , vt à vobis audi-
am , quem vos existimetis esse debere parandarum & possiden-
darum opum modum & causam , Dicite igitur , quem vos ve-
stris diuitijs & facultatibus terminum statuatis . Vix fieri po-
test (vestrum aliquis inquiet) aut nunquam potius , vt pecu-
niarum nobis , & opum satis sit , nedum ita eis abundemus ,
vt in alios etiam partiri liceat . Nam , vt eos pratermitta-
mus , qui sibi manu , & arte victum queritant , ij , quos do-
mesticus census alit ex agrorum redditibus , aut quoniam prouentu
alio , uxorem serè & liberos , reliquamq; familiam habent , quae
domus alenda est pro cuiusq; conditione , vt qui locupletiores
sunt , aliquanto splendidius ceteris liberos educant , neque id
in ci-

4

in cibis tantum, verum in vestibus etiam, reliquodq; apparatu,
 qui huiuscemodi domos sequi solet. Dandum praterea aliquod
 tempori, et moribus, ne superari ab alijs, quibus censu pares si-
 mus, magnificentia, et splendore vite videamur. Accedunt
 nobiles filia, quibus hoc praesertim tempore immanes dotes pa-
 randa sunt, ut viris, qui non inferiori conditione, quam nos
 sumus, collocentur. deinde si numerus creuerit liberorum, am-
 pliores sunt redditus comparandi, ne cum is census, qui arte su-
 sceptos tot liberos fuerat, inter eos dividetur, prior illa domus
 gloria imminuatur. Quid? cum tot casibus, tam varijs, tam re-
 pentinis obnoxium sit genus hominum, quos formidare potius
 quam enumerare possumus, num et huic tam necessaria parti
 non est cavendum? et in hos quoque usus reponenda pecunia?
 Haec vestra est o viri summa sapientia, sed sapientia carnis,
 quam eandem Paulus sapientiam huius mundi appellat, quae
 stultitia est apud Deum. Scriptum est enim. Comprehen-
 sam sapientes in astutia eorum. Et rursus. Dominus novit co-
 gitaciones sapientum, quod vane sint. Quamobrem obsecro
 vos, ut secundum eundem Apostolum, si quis videtur inter
 vos sapiens esse in hoc saeculo, stultus fiat, ut sit sapiens, id est,
 quam ipse sapientiam arbitrabatur, eam exuat, et veram dei sa-
 pientiam, quam hactenus stultitiam opinatus est, amplexetur.
 alioquin quid recti, aut sapientis consilij expectandum usquam
 est, cum ab IESU CHRISTO, id est, ab ipsa Dei
 sapientia, et magni consilij angelo recesserimus? Sed animus

est, quando animalis homo non perspicit ea, quæ sunt spiritus
 Dei. dum adhuc tam humiles sunt cogitationes vestra, atque
 humi iacentes, non continuo vobiscum agere Evangelicis di-
 ctis, atque sententiis, quanquam id quoque facturus quidem sum,
 neque ita multò post. Quidni enim faciam? cum ad eos qui
 CHRISTVM profitentur, habeatur oratio? Sed ante-
 quam divinas auctoritates profero, humanis velim vos ratio-
 nibus assuescere, ut, cum veritatis lucem, quasi in aquis in-
 spexeritis, ipsum demum solem purgationibus oculis contem-
 plemini. Fingite itaque animis, vos eo tempore natos, quo
 nondum Evangelicæ philosophiæ lumen orbem terrarum illu-
 straverat, nulla erat excitandorum ad vitam corporum cogni-
 tio, nulla regni cælorum mentio, Elysii duntaxat nescio qui
 campi, et fortunata insula, ea quoque inter commentitias fa-
 bulas numerate, nihil de animorum nostrorum immortalitate
 certi proferebatur, denique de hac tantum exigua vita fuerat
 cogitandum. Si in hoc rerum statu essetis, fateremini tamen
 opinor, oportere hominem, non pecudum et bestiarum, sed ho-
 minis, id est, ratione præditi animantis mores habere, et con-
 venienter natura vivere. quod nihil est aliud, quam semper
 cum virtute congruere, et ea, quæ secundum naturam sunt,
 ita legere, si virtuti non repugnauerint. Hoc si negaveritis,
 ipsi vobis iniuri eritis, cum huic sententiæ illi ipsi fuerint as-
 sensi, qui sine Deo erant, de quibus propheta inquit. Omnes
 dii gentium demonia. et. Simulachra gentium argenti et au-
 rum

41
rum, opera manuum hominum. quibus imperitiores, solidioresque vos esse nolle, satis mihi persuadeo. At huius generis homines nunquam diuitias, ut rem honestam, et expetendam sunt admirati, et dum humana mentis vestigia inter eos fuerunt, id vnum honorificum esse predicant, quod sapienter, iuste, constanter ac moderatè esset factum. minima erat eis rei familiaris amplificanda cura, maxima societatis et communitalis civium. Censebant eandem esse debere utilitatem vniuscuiusque et vniuersorum, quam si ad se quisque raperet, omnem humanam dissolui societatem. aiebant id à natura prescribi, ut homo homini, quicumque sit, ob eam ipsam causam, tamen, quòd is homo sit, consultum velit, itaque necessario secundum eandem naturam omnium utilitatem debere esse communem. quod si ita est, vna contineri omnes, et eadem lege natura. Quamobrem princeps apud illos erat communis utilitatis cogitatio. hinc illi Fabricij, Curij, Cincinnati, Pauli, qui domi tenues, foris clari, seruata semper priore rei familiaris inopia, rem tantum publicam amplificabant. Intelligebant enim non opes atque libidines, et vita luxum, sed rectè facta splendorem asserre hominibus, cum multò magis, ut idem ipsi predicant, secundum naturam sit celsitudo, et magnitudo animi, itèmq; communitas, iustitia, liberalitas, quàm voluptas, quàm diuitia, quàm vita. et multò magnificentiùs, pro omnibus gentibus (si fieri possit) conseruandis, aut inuandis maximos labores, molestiasque suscipere, quàm sibi tantum

12
vivere, non modo sine ullis molestiis, sed etiam in maximis
voluptatibus, omnibus copiis abundantem. Quocirca nihil ma-
gni quicquam faciebant, quod non esset cum virtute coniun-
ctum, et non modo pluris putare, quod vile videbatur, quam
quod honestum, sed hac etiam inter se comparare, et in his du-
bitare turpissimum erat. Itaque cum se ad honestatem tantum
natos agnoscerent, fuisse quod plurimi, qui uni virtuti appellatio-
nem boni tribuerent, cetera et corporis et externa, nullo modo
bona appellanda contenderent. alij minus etiam severi, honestum
tamen ita summum bonum asseriebant, ut omni pondere gravius
esset, quam reliqua omnia, quae si ex altera parte, quemadmodum
in lancibus fieri solet, collocarentur, vix minimi momenti in-
star haberent. Et sane quidem non difficile cuius est intelligen-
re, quae ea sint, quae verè gloriosum et honestum hominem faci-
ant, si quis in seipsum ingrediatur, et inquiret, quid in homine
quoque praeipuum sit, quo ceteris animantibus antecellat, quid
ve rursum in eodem ignobilius, et ad pecudum naturam magis
accedens. Sunt enim quasi duo humani animi partes, quarum
altera ex corporis permixtione demissa, humilis, enervata quo-
dammodo, et languida, et senilis, quam qui in consilium adhi-
bet, cum nihil sit in homine hac parte deformius, is nihil ex-
cogitare egregium potest, sed circa terram semper versetur,
necesse est, cogitetque quibus artibus corpus foveat, corpori ser-
uiat, et sola, quae per corpus fiant, ei que splendorem afferant,
insuet appetenda. hinc tam multiplices affectus, et ratione

13

rarentes appetitiones, voluptates, libidines, perturbationes;
aut gestientis latitiae, aut furoris insani, ut merito ipsam Pla-
to multorum capitum bestiarum compararit. Sed in ea non inest
veri hominis imago, sed huic praest domina omnium et regi-
na ratio, cuius officium est, primum cohibere inconditos illi-
us bestiarum motus, et temeritatem coercere, quam cum edomue-
rit, et tanquam feros animos mansuefecerit, ne reginam pertur-
bet seuerioribus rebus operam dantem, tum ipsa libere sua officia
exercebit, sequitur, intelligetque nihil esse in mundo aliud
se ipsa venerabilius, neque praestantius. Itaque inde bona omnia
petet, non iam ab iis, quae sub oculorum aspectum cadunt, se co-
let, se observabit, et, si quando extra sese progredietur, id a-
get, ut ex pulcherrimo hoc ordine, quem Deus rebus infe-
ruit, contemplando erudiatur, ad eundem rerum omnium au-
ctorem intelligendum.

Videor mihi haec lenus, si animum attendistis, vos quasi è la-
cunis quibusdam cogitationum, in editiorem speculam euexis-
se, è qua iam ipsi ciues mei vestras, quas dudum protuleratis,
per vosmetipsos opiniones despicere, et vestro iudicio, eorum
purgatiore uti potestis. Quare sic mecum rursus incipite phi-
losophari. Si praestantior nostri pars mens et animus est, atque
adeo solus hominis appellatione dignus, quem sol noster Pau-
lus interiorem hominem appellat, profecto huius servitio atque
usibus ipsum corpus et externa omnia accommodanda sunt. at
verò medicus corporis victus atque cultus maxime id praestat,
ut sa

ut faciliora et expeditiora animus sua officia exerceat, cum hoc
 pacto ipsius corporis habitus compositor, minus deprimat sensus
 et mentis cogitationes. deinde opum magnitudo, tantum abest,
 ut, præter id, quod ad paranda vita necessaria quaritur, animis
 nostris sit adiumento, ut etiam plurimum eos impediatur atque per-
 turbet, affectibusque tum superfluis, tum noxijs identidem imple-
 at, ut longè aliter res cadat, atque diuitiæ sunt instituta, quæ
 cum seruire debeant, efficiunt, ut eis ab animo seruiatur. quæ
 præter curas et sollicitudines, perpetuas diuitiarum comites, in-
 finitas suggerunt libidines, luxuriæ occasiones suppeditant, in-
 flatos in proximum quæque, et contumeliosos faciunt, denique eti-
 am iniustos. Etenim ubi quis studere lucro cœperit, atque ad
 cogendas pecunias animum appulerit, tum nihil metuet alterius
 incommodo suum augere commodum. neque recordabitur, quæ sit
 hominum inter se à natura insita consociatio. itaque tollit con-
 iunctum humanum et societatem. Si enim sic erimus affecti, ut
 propter suum quisque emolumentum alterum negligat, aut, quod
 sæpè fieri videmus, spoliaret ac violet, disrumpi necesse est eam
 quæ maximè est secundum naturam humani generis coniunctio-
 nem. Ut si unumquodque membrum sensum hunc haberet, ut posse
 putaret se valere, si proximi membri valetudinem ad se tradu-
 xisset, debilitari, et interire totum corpus necesse esset, sic si
 unusquisque nostrum rapiat ad se commoda aliorum emolumentis
 sui gratia, societas hominum, et communis euertatur necesse
 est. Atqui, cum commoda tantum nostra spectamus, cogita-
 musque

mnsq; quo pacto egros villasq; & censum (quando is honores
 dat) amplifcemus, fieri non potest, ut communis societatis ratio
 nem ullam habeamus. Aliud praterea hinc genus iniustitia ori-
 tur, quod, dum animi libidinem inter tot opes explere uolumus,
 magnam earum partem in res superuacuas insumimus. insana pa-
 rantur substructiones, ut nō domus interdum, sed oppida uidean-
 tur. equorum & numerus & apparatus, nō iam ad necessitatem,
 sed pompam. seruorū greges, quibus sapē adijciuntur assentatores
 & parasiti. tot guls' irritamenta, tot vestimentorū genera, tan-
 tum auri & argenti miserū corpus, id est animi carcerem ambit,
 praesertim mulierum, quibus dum obsequi volumus, quid pecunia-
 rum nō miserrimē disperdimus? ut mundum earum expleamus,
 quem copiose & eleganter Esaias describit his verbis. In die illa
 auferet dominus ornamentum calciamentorū, & lunulas, & tor-
 ques, & monilia, & armillas, & mitras, & discriminalia, & pe-
 ri scelides, & murenulas, & olfactoriola, & inares, & annulos
 & gemmas in fronte pendentes, & mutatoria, & paliola, & lin-
 teamina, et acus, & specula, & syndones, et uittas, et theristra.
 Haec quidem omnia ciues, si constare uobis uultis, & in ea spe-
 cula stare, in qua vos dudum collocaueram, fateamini necesse
 est, primum nihil veri splendoris asferre, qui à solo animo pe-
 tendus est, deinde etiā dedecori esse, quod et animos ipsos deti-
 neant, nec grauibz ac se dignis rebus operam dare patiantur, &
 possessores suos arguant iniustitia, qui nolint egenis ea saltem
 impertiri, quae non superuacanea tantum sunt, sed habentibus

etiam damno atque ignominia. Hæc si vera vobis et rationi
 consentanea visa sunt, quod negare sine summo vestro probro
 non potestis, iam nihil opus erit tanta parandarum opum solli-
 citudine, si etiam ingens vos liberorum numerus obruat. nam
 princeps erit cogitatio et cura, ut quàm optimè educentur, et
 cum virtute vivant. quæ cum per se optima atque omnium
 pulcherrima possessio est, tum ijs, qui eam colunt, etiam opes
 et facultates parat. contraque sine virtute clarissimas ple-
 runque domos ad extremam egestatem redigi, et omnino in-
 terire videmus. At verò cum locandæ erunt filia, non tam
 facultatum et opum gloria in deligendo genere vos commoue-
 bit, quàm ipsius probitatis contemplatio. et Themistoclis vo-
 bis factum exemplo erit, qui cum ex procis filia virum pro-
 bum diviti prætulisset, quibusdam hoc admirantibus, Malo, in-
 quit, virum absque pecunia, quàm pecuniam absque viro.
 Nam si ita affecti eritis, ut omnia ad eam formulam, quam
 modo descripsimus, referatis, ut quavis utilitatis species præ
 honestate contemnatur, multò malueritis cum virtute viven-
 tes esse ei viro Romano similes, cuius ob paupertatem ipse
 populus Romanus filia dotem confecit, quàm inani tantum o-
 stentatione quadringenta sestertia parare, ut filia locetur
 pecunioso. Sed ne illud quidem quod dudum metuebatis, vos
 magnopere commovebit, ne varij rerum euentus, atque incerti ca-
 sus vos minus à pecunia paratos opprimant, neque enim opti-
 mum o amici persugium contra aduersitates pecunia est, aliòqui

Cræsus, cuius in primis thesauri prædicantur, & plurimi reges alij nõ fuissent vltimis oppressi calamitatibus. Valeat possessor, oportet, ait quidam. Curandus est in primis animus, qui si sanus fuerit, mox in eo situm erit illud, quod quærimus optimum id est summa tranquillitas, finisq; molestiarum, aliter si non solum immensas opes pararis, sed etiam in cælo (vt propheta ait) nidum fixeris, illuc vsque te mala calamitatesq; comitabuntur. Sed tempus est, ut ego vos iam ita alloqui incipiam, non vt homines tantum, sed vt (postquam Christianam philosophiam profiteri cœpistis) deos. ego, inquit, dixi dñj estis, & filij excelsi omnes, nẽpe ob eam causam, quòd ad vos sermo dei factus est, ut ipsa etiam veritas est interpretata, qui incerta atq; occulta sapientia sua vobis manifestauit. Verũ reficite vos prius, quæso auditores mei, & vires aliquantum reparate, ut animos ita vegetos & alacres ad ea quæ reliqua sunt, audientia afferatis, perinde quasi nunc dicendi principium fiat. Agitur enim vestra salus, aguntur ea, quæ aut obseruata perpetuam felicitatem, aut neglecta æternum interitum sunt allatura. Nam in superiori vitæ statu, quem pro rei magnitudine breuiter adsum de formauimus, non conuenienter natura vixisse, ignominiosum quidem erat & flagitiosum, verum cum viuendi finis factus esset, sicut nullus vitæ sensus, sic nulla scelerum vltio, neque pœna vlla expeclabatur, & tamen sola natura nostra consideratio nos sateri cogebat, nullam cuiusquam rei, nisi virtutis & honestatis habentem esse rationem, satisq; persuasum nobis esse

debere, etiam si Ciris illius Platonici exēplo, beneficio annuli omnia assequi possemus, vt etiam id deo, hominibusq; futurū sit semper ignotū, nihil tamen auarē, nihil iniustē, nihil libidinoſe, nihil incōtinenter eſſe faciendū. Quo verò nunc animo Chriſtianiū virum eſſe deceat, qui ex Euangelicis dogmatibus doctus eſt, quo pacto ſibi viuendū ſit? cui ē cælo demiffa mandata, legesq; vita ſunt? cui exploratum eſt, omnium non modo factorum, ſed cogitationum etiam rationem iudici deo eſſe reddendam? qui certò ſcit, iniquē factis æternū exilium, et inextinctum ignem eſſe decretum? Si, quo tempore nihil præter hanc vitam, erat, quod ſperare aueremus, vt penè illud propheta dicere liceret. Edamus et bibamus, cras enim moriemur, tamen neglecta voluptate, iſſis, quæ in nobis ſentiebamur, naturæ principijs parere, eaq; ſequi oportere iudicabamus. quæ tandem nunc eſſe debet cogitatio homini, cui, poſtea quàm hos labores huius exiguū ſpatij exanſlauerit, vita promittatur cum beatiffima, tum longiſſima, nimirum æterna, cum qua hæc ſi cōferatur vix momenti inſtar habere videatur? O ſurdas hominum aures, o cacas mentes, qui cum nihil niſi felicitatem appetere videantur, eam propoſitam auerſentur. Regnum vendale proponitur iſq; perpetuum et immenſum, ipſum uidelicet cælum, quod quàm minimo emi poſſit, et mortales ſapiſſimè multò malunt exiguo luto adhæreſcere, et tenuem cenſum bonis anteferre ſempiternis. Quæ eſt in hominibus tanta puerſitas, vt inuentis frugibus, glande veſcantur? Qui facturi fuiſſetis, ſi quàm longiſſi

ma deus vitæ spacia decreuisset, neque tam angustos vobis cancellos circumdedisset? Quid? si vel his in exiguis terminis certi aliquid reliquisset, neque prudens (vt ait quidam poeta) futuri temporis exitū caliginosa nocte depreuisset? Cur in tam periculosa alea sic supini & somnulosi estis? Quis vestrum tam manifestè insanus, qui duabus propositis hereditatibus, altera tenui, & quam facile quiuis possit diripere, altera tuta & locupleti, non hanc illi præferat? & tamen in hoc tanto negotio ab omnibus ferè hac insania laboratur. Nam quid tandem est, quod hic magnum, aut admirandum videri possit, si etiam totius terre quis imperium adipiscatur, si ad illa cæli immensa spacia oculos referat? hanc enim ob causam mundi centrum terram appellauerunt, quod puncti instar ad cæli ambitum habeat. Sed fac ijs magnum aliquid esse, quorum graues oculi altius attolli nequeunt, quàm ridenda est tamen eius rei vel appetitio, vel possessio, quam auferre leuis morbus, aut cantharidis virus, vel scorpj morsus possit? quam mors omnibus horis imminens, ne vno quiescem temporis momento certam ac tutam, vt dici nostra possit, esse patiat? Sed videamus iam quem nobis in diuitiarum vsu modum diuina oracula constituent, vt si humana nos sortasse rationes non satis monerint, nil causa sit, cur præcepta legesque diuinas repudiatis. Quid igitur admonet ipsa dei sapientia, cui humana vestra astutia potius quàm sapientia tam facile auersatur? Nolite recondere vobis thesauros in terra. Quam ob causam? vbi erugo & tinea corrumpit,

& ubi fures perfodiunt, & furantur. Num censetis deum ve-
 stris copijs inuidere? eum, qui tam immensa elementorum in-
 stituit spacia, ut esset quod omnibus abunde suppedicaretur?
 Quid ergo? Recondite vobis thesauros in caelo, ubi neque eru-
 go, neque tinea corrumpit, & ubi fures non perfodiunt, nec furan-
 tur. Ante enim quod vlla regni caelorum mentio facta est, nihil
 mirum erat, si, cum neque melior, neque tutior locus haberetur,
 terra reponendis thesauris eligebatur. at nunc patefacta ad ce-
 lum via, quid tinea exponis, ac furibus, rem praesertim, quam
 tanti facis, cum eam in tuto liceat collocare? Hoc aliam pra-
 terea utilitatem parit, ut cor a caducis & humilibus hisce curis
 sese expediat, inque dignam se vindicet libertatem. ubi enim est
 thesaurus tuus, ibi erit & cor tuum. propterea etiam inquit: Di-
 co vobis, ne sitis solliciti dicentes, quid edemus, aut quid bibe-
 mus, aut quibus operiemur? Hac enim gentes inquirunt, qua
 cum ignorent, deo res humanas sic curae esse, ut volucres eti-
 am, tam vagum genus, ut nihil minus, quam de annuo victu
 cogitent, pascat, & lilia ac reliquos flores ita vestiat, ut nul-
 la hominum ars equare illam speciem possit, ipsae ingenio ac in-
 dustria tantum suae confidentes, pecunias congerunt, & ab ar-
 ca potius, quam ab ipso deo vitae praesidia expectant. Quid vult
 hic pallor, quem video in quorundam vestrum ore repente ex-
 titisse? bene habet. Intelligitis enim, opinor, quanto vos sce-
 lere imprudentes implicaueritis. cum tam pertinax habenti cu-
 pido illis similes faciat, qui ita barbaris ac feris moribus sunt,
 ut ne

ut ne, an deus quidem sit, sciant. Simul illud cogitatis, una
 Evangelica sententia, omnia vestra, quae vobis firmissima vi-
 debantur, fundamenta eversa esse. Sed salutaris est, & optan-
 da etiam vobis ipsis haec causa vestre iactura. id enim nihil
 aliud est, quam falsas opiniones exuere, & induere melio-
 res. Quid igitur est faciendum, cum à vestris consilijs rece-
 seritis? Querite primum regnum dei, & iustitiam eius, &
 haec omnia adijciuntur vobis. Principem curam esse vult il-
 lam adipiscendi regni caelestis, cetera verò quaedam tanquam
 additamenta, quae pollicetur ipse se appositurum, ne haec vos
 occasio quaerenda rei familiaris, à grauioribus, & magis ne-
 cessarijs cogitationibus auocet. scit ille (quid enim deum late-
 at?) & longè etiam melius, quàm nos ipsi, quibus rebus quisq;
 egeat, praesto etiam ei sunt, quae pro cuiusq; indigentia tribuat.
 nam gloria, & diuitis in domo eius. proficitur res nostras ni-
 hilo minus sibi cordi esse posse, quàm sit filius matri. imò ve-
 rò si illa oblita fuerit, inquit, ego tui non obliuiscar. Et dubi-
 tamus adhuc, totos nos illius committere fidei? digni profe-
 ctò, quos neglectos stultitia et insanie nostrae relinquat. quod
 si fiat, suprema nos calamitas, et interitus consequetur. Qua-
 re iam illud incipite amplexari, quod propheta vnumquenque
 sic admonet. Iacta in dominum curam tuam, et ipse te enutriet.
 Qui ipse de se, deq; sui similibus alibi ait. Dominus pascit
 me, & nihil mihi deerit, in loco pascus, ibi me collocauit.
 Cum non sim nescius (inquit) deum mei enutrienti curam coe-

pisse, quid sub tam benenolo, atque etiam diuiter, et perui-
 gli pastore deesse vsquam potest? Quid verò vniuersum ge-
 nus hominum aliud est, quam quidam omnium greges? Sicut scri-
 ptum est. Nos autem populus eius, et oves pascua eius. Et.
 Deduxisti sicut oves populum tuum. Quas cum ipse pasto-
 rum princeps curat, tum alijs sub se, atque à se institutis pa-
 storibus commendat. Hi sunt ministri spiritus, qui in mini-
 sterium emittuntur, propter eos, qui heredes salutis futuri sunt.

At homines sese aliquid arbitrati, et, quicquid parauerunt
 facultatum, suae industriae ascribentes, suum appellare non for-
 midant, quod pastoris beneficio, prouidentia, cura sunt affecu-
 ti. Hoc, inquit, anno tantum frumenti numerum ex agris no-
 stris in horrea inueximus, tot vini cados ex nostris vineis con-
 didimus, nostra haec sunt, nostra arte, et studio quaesita. Age
 si pastor vester imperasset nubibus, ne pluerent super terram.
 quod an possit, Eliae vobis tempora exemplo sint, et eandem
 terram aneam fecisset, vimque eam, quam illi principio inge-
 nuerat, subduxisset, et Zephyros lenè spirantes, ac vitali
 flatu fecunditatem arboribus afferentes, in thesauris suis conti-
 nuisset, aut etiam post natas fruges granulinem, locustas, bru-
 cos, ceterasque Aegypto olim cognitae plagas, immisisset, quid
 vestra, quid agricolarum studia profecissent? Sic neque qui plan-
 tat, est aliquis, neque qui rigat, sed qui incrementum dat, de-
 us. Deinde nostrae inquit sunt vinee, nostri agri. Quo tan-
 dem pacto? Nonne nudus eiectus ex utero es? unde ergo
 tibi

tibi haec copio? si casu, & fortuna haec tibi obuenisse contendas, impius sis, qui auctorem tuum ignores, qui ne gratiam quam habere ei, qui dederit velis. sin fateris, quod omnino oportet, haec à deo tibi adesse, dicito quam nam ob causam tu ab eo iusta plus parte acceperis? Num iniustus deus, qui non aequè omnibus vitæ necessaria partiatur? Cur ergo ille esurit, tu verò ebrius es? ille inopia conficitur, tu diuitijs abundas? Quam huius rei causam aliam arbitraris, nisi quod id iubet deus, ut prater ea, quae tibi ad usum viuendi satis esse possunt, cetera, non iam tua, tanquam fidus procurator conseruis tuis impertitus, pietatis, & fidei mercedem referas? Verum de hac quasi bonorum procuracione, quæ diuitibus credita est, post paulò oportuniore loco disputabimus, nunc quod instat persequamur. Si haec immanis diuitiarum, & facultatum sollicitudo habenda est, ad quos eam iudicabitis pertinere? num ad viuentes solum, an ad eos etiam, qui vita defuncti sunt? nempe ad viuos. At vos mortui (ait Paulus) estis, & vita vestra abscondita est cum CHRISTO in deo. Et alio etiam loco. Si vnus pro omnibus mortuus est, ergo omnes mortui sunt, & pro omnibus mortuus est CHRISTVS, ut qui viuunt, iam nō sibi viuāt, sed ei, qui pro ipsis mortuus est, & resurrexit. Pulchra et plena sapientiae argumentatio. Cū inquit, dicitur vnū pro omnibus mortem oppetuisse, significatio fit, eos iā morti addictos fuisse, pro quibus liberantis ille obierit mortē. sed qui hac uita faciendū est quam ipsis est elargitus? ut qui viuunt, iam non sibi uiuant, sed

ei, qui pro ipsis mortuus est. tantum ne? imò et resurrexit,
 nempe propter eosdem ipsos. nam resurrexit propter iustifica-
 tionem nostram. O charitatem, cum nos sua morte, quicquid vi-
 ueremus, iam sibi obligasset, noluit, ne id quidem, quod ei de-
 beremus, sine maximo nostro lucro à nobis reddi. O perfidi-
 dum genus homines. summum quod habuit, precium soluit pro
 vobis unigenitus filius dei. quæ res effecit, ut ei perpetuo ne-
 xu obligaremini. ille tamen, quæ est pietas, mercedem ad-
 huc maximam huic seruitio (quanquam illud deberetis) consti-
 tuit. At vos nec maiestatem reuereri, nec beneficentia attra-
 hi, nec officio commoueri potestis. Non igitur (ut eò reuer-
 tar unde digressus sum) licet iam viro Christiano sibi, sed li-
 beratori tantum suo viuere, id est ea tantum querere, cogita-
 re, aggredi, quæ illi grata futura esse intelligat. quod tum sit
 cum regnum dei, et illius cælestis reipublica consuetudo, et com-
 mercium queritur. atque eam ob causam dixit Apostolus. mor-
 tui estis, ne existimaretis de hac exigua vita posthac esse co-
 gitandum. de qua ergo vita vestra abscondita est cū CHRI-
 STO in deo. Hæc sollicitudo sola vobis reliqua esse debet,
 nisi frustra in CHRISTVM volueritis credidisse. huc
 omnis, cum de vxore, liberis, familia, facultatibus, copiis,
 honoribus deliberatis, referenda cogitatio est, non quibus arti-
 bus humanum hunc inanemque splendorem, et umbris similem, et
 iam iamque desitutum, filiis ac nepotibus vestris comparetis, ad
 regnum potius instituendi sunt, et formandi. turpissimum enim
 est

est, atque etiam flagitiosissimum, ut, qui in tantam, tamque
 praeclaram civitatem nomen suum dederit, idem in aliam rem-
 publicam ascribi velit. At verò damnum etiam summum con-
 sequatur necesse est. nam idem hic usu venit, quod iure Ro-
 mano sancitum erat. apud quos cum duarum civitatum nemo esse
 posset, tum civitas Romana amittebatur, cum in alienam quis
 civitatem receptus esset, quod quasi exilium quoddam existi-
 mabatur. Equidem miror, si quod Evangelicæ doctrinæ, &
 Christiani nominis simulacrum in vobis est, si, cum regni
 appellatio aures vestras circumsonat, non quisque vestrum le-
 titia gestit, & omnia, quamvis magna, quamvis spectanda,
 cum Apostolo arbitratur, ut stercora. Etenim si usque ad hunc
 diem nihil de deo quicquam, de cælo, ac futura vita unquam au-
 diissetis, & in hac ignoratione de repente quispiam existeret,
 qui se diceret e cælo ab ipso deo missum, atque id ita vobis proba-
 ret, ut quivis illi fidem habere posset. deinde hanc vestram vitam
 vix unius noctis somnio similem esse prædicaret præ ea, quæ
 post istam secutura esset, & eam ipsam vitam ipsi, qui hæc caduca
 contemnerent, futuram beatissimam in maximis opibus, & co-
 pijs, & regijs honoribus. contra verò reliquos, qui his huius
 vite simulacris illecti, ista omni studio amplecterentur, in ob-
 scurissimum carcerem detrusum iri, ubi sine ullo fine asper-
 rimis cruciatibus torquens essent. Opiner vos hoc accepto tam
 admirando nuncio primum attonitos, & immotos repentino stu-
 pore futuros fuisse, deinde, ubi vires, sensusque collegissetis,

omnia sponte proiccturos, atq; id, quod est, existimatu-
 ros, in illa, quæ videretur, iactura vos lutum auro permutare.
 Quam enim aliam ob causam in illis surgentis Ecclesie exor-
 dijs, ij, qui CHRISTI fidem profitebantur, vendebant
 prædia, & omnium facultatum precium ad Apostolorum pe-
 des projiciebant? nempe & cogitatione, & intimis sensibus, re-
 rum, quæ promitterentur, magnitudinem complectebantur,
 quarum contemplationi ita affigebantur, vt hæc humana, si cum
 illis compararentur, non esse potius, quàm esse aliquid iudica-
 rent. At verò nunc, ô tempora, ô mores, ô profusum ingra-
 tis pium CHRISTI cruorem, nunc, cum IESV nomen
 cum nutricis lacte sugimus, cum primas infantia voces ipsius
 IESV CHRISTI appellatione formamus, tamen adul-
 ti nihil minus, quàm CHRISTVM agnoscimus. Ecqui
 enim est pudor? ecquæ religio? ecqui aut minarum metus, aut
 futurorum bonorū cogitatio? Vtinam id à deo imperatum esset,
 (quanquam nolim opinemini, hæc à me imprecandi potius causa,
 quàm salutis vestra studio optari) sed si id sancitum diuino ora-
 culo fuisset, vt, qui non omnia abijceret, atq; à se penitus ab-
 dicaret, nullam certò sciret illius regni assequendi spem sibi re-
 liquam esse, quid facturi fuissetis? Perterruit, vt video, vos
 ista consilio, quam tamen conditionem profectò, nisi stulti,
 atque a seò insani sitis, reciperetis. cum harum rerum brevis u-
 su, & inconstantia, & illius præterea eternitatis subiret ani-
 mum recordatio. nunc verò sub tam bona, tamq; facili condi-
 tio

xione, ne ijs quidem diuitijs contenti essetis, quæ ad vitam bo-
 nestæ, & cum virtute viuendam satis sint, nisi toti eis inui-
 giletis, perinde quasi in illis summa insit beatitudo, cum potius
 quid non ibi sceleris, & furoris in tam insana appetitione repe-
 ritur? Sed quidam error plurimos vestrâ maximè fallit,
 quod existiment posse se diuitias parare sine iactura regni cæ-
 lorum, neque eos terret Apostolus, qui de ijs sic ait. Qui
 volunt diuites fieri, incidunt in tentationem, & laqueum, & eu-
 piditates multas, stultas, ac noxias, quæ demergunt homines in
 exitium, & interitum. Siquidem radix omnium malorum est
 studium pecuniæ, quam quidam dum appetunt aberrauerunt à fi-
 de, & seipso implicauerunt doloribus multis. Et paulo post. Iis
 qui diuites sunt in presenti sæculo, præcipe ne elato sint animo,
 neque spem ponant in diuitijs incertis, sed in deo viuente, qui
 præbet nobis omnia abunde ad fruendum, vt benefaciant, vt di-
 uites sint operibus bonis, vt faciles sint ad impertiendum, liben-
 ter communicantes, recondentes sibi ipsis fundamentum horum
 in posterum, vt apprehendant vitam æternam. Audiistis &
 intentatis ijs, qui diuites esse volunt, minas, id est exitium &
 interitum, & sola beneficentia et largitate vitam æternam habe-
 ri posse? Quia? non ab imis præcordijs commouemini ex ipsius
 veritatis verbis? cum ait. Quàm difficile, qui pecunias habent,
 in regnum dei introibunt. Quæ uerba cum uellet sensibus homi-
 nû diligentius affigi, admirantibus discipulis, iterum adiecit. Fi-
 lij quàm difficile est eos, qui fiduciam habent in pecunijs, regnum

ingredi . Facilius est camelum per foramen acus ingredi ,
 quam diuitem intrare in regnum Dei . Terrificam cer-
 te orationem . quæ si ad ipsius animi aures introduceretur ,
 neque ad solum corporis sensum perueniret , nihil dubito ,
 quin omnes certatim , quò quis esset locupletior , superuacua
 onera essent deposituri , atque id flagitaturi , quod sapien-
 tissimus ille sapientissimè postulabat . Diuitias , & pau-
 pertates ne dederis mihi , sed tantum victui meo tribue ne-
 cessaria . Nam per immortalem Deum , quæ est ista ve-
 roraria , nolle , cum possis , & hanc vitam iucundissimè a-
 pere , & futuram illam interea preparare ? id verò fieret ,
 si molestissimam tam multarum opum curam abijceres , & pa-
 ratis ita fruerere , vt & à diuinis legibus , & ab ipsa etiam
 ratione admoneris . quod dum facere homines contemnunt ,
 dignas sua stultitia pœnas dant , vt non solum illa pijs expe-
 ctata regni cœlestis hereditate sint carituri , verum eti-
 am , quicquid hic viuunt , viuant infelicissimè . Audi e-
 nim , quid de his sentiat Ecclesiastes . Auarus non im-
 plebitur pecunia , & qui amat diuitias , fructum non capiet
 ex eis , & hoc ergo vanitas . Ubi sunt multa opes , mul-
 ti & qui comedunt eas , & quid prodest possessori , nisi
 quod cernit diuitias oculis suis ? Dulcis est somnus operan-
 ti , siue parum , siue multum comedat , Saturitas autem di-
 uitis non finit eum dormire . Et paulò post . Est & ali-
 ud malum , quod visi sub sole , & quidem frequens apud
 homi-

homines. Vir cui dedit deus divitias, & substantiam, & honorem, & nihil deest animæ suæ ex omnibus quæ desiderat, nec tribuit ei potestatem Deus, ut comedat ex eo. Quid, obsecro vos, hac hominum conditione miserius? quibus cum nihil tam cordi sit, atque ad eod nihil potius aliud cordi sit, quam opes, facultates, copiae, tamen miserrimi ante excedunt è vita, quam ullum ex eis incunditatis caperint fructum. Atqui licebat eis, si quid scirent, aurum ipsum, quod eis hac solis luce pulchrius, & proprijs oculis charius est, secum habere in illis quoque cœli sedibus, aut, siquidem eis certum est, velle in tartarum relegari, ibi etiam ipsius fructum experiri, quando eod levius torquerentur, quod maiorem pecuniarum partem essent pauperibus impertiti.

Quid igitur reliquum est ciues optimi? nempe ut contemnatis omnes ineptias, & erroris opiniones, & quod veritas precipit, faciatis vobis amicos de mamona iniquitatis, qui, cum defeceritis, accipiant vos in æterna tabernacula. Mementote, (ut nunc eam partem aggrediar, quam dudum me tractaturum pollicitus fui) vobis eorum bonorum, quæ vestra appellatis, procurationem à deo traditam esse, non imperium, ut eis pro libidine abutamini. Quantum verò tandem, inquitis, aut quatenus est largiendum? Ego si quid ex mea sententia essem pronuntiaturus, metuerem sanè de hac re verba facere, non quod mihi exploratum non sum sit, quo

usque largiendi Christiano viro sit facienda progressio,
 sed quod vereretur, ne in tam perditis moribus, corruptisque
 opinionibus, perinde hæc à vobis intelligi auditu possint, at-
 que ego ipse loquens sentirem. Sed ad Evangelicam ego vos
 veritatem relegabo, cui num habenda fides sit, vos ipsi deli-
 berate. Quid igitur in ipsiis orientis Evangelicis lucis ini-
 tijs, atque adeo in ipso Luciferi ortu, id est, Ioannis Ba-
 ptistæ prædicatione dictum est? Qui habet duas tunicas, det
 non habenti, et qui escas habet, similiter faciat. Reliquit
 opinor, ipsi plena luci id dicendum, quod perfectius futu-
 rum esset. Vende quæ habes, et da pauperibus. Ipse id dun-
 taxat admonuit, quod prorsus necessarium foret ad iram il-
 lam fugiendam, quam venturam intentabat. Perfecta, in-
 quit, huius philosophia præcepta ipsi sponso reservabo, qui
 vos post paulò docebit, quibus artibus nomen, et gloriam si-
 tis adepturi. nunc satis mihi est à timore exordiri, qui sa-
 pientiæ initium est. at pleniorẽ sapientiam ab illo expecta-
 te, qui dei virtus est, et dei sapientia. Arrigite huc au-
 res, et oculos etiam o viri, et, his iam purgationibus, con-
 templemini, quàm humiles, quàm depresso sint hoc tempo-
 re hominum cogitationes, qui non modo non intelligunt se ni-
 bilum magni quicquam aggressos, si etiam omnia, præ-
 ter victum, cultumque necessarium, tribuerint indigentibus,
 id enim est venturam tantum iram declinare, quia non tam
 id fecisse virtuti, quàm non fecisse, cum debeas, sceleri a-
 scribi

scribendum est, & iniustitiis, non modo inquam id non intelligunt, sed, si exigua è tam multis, quæ debeant, partem tribuerint in egentium presidium, putant & satis à se factum pietati, & immortales præterea illas sedes ob rectè facta sibi deberi. Dicat fortasse quispiam. Quæ tandem hæc est tam multa tribuendi necessitas, aut ratio? Turpis quidem est ista interrogatio, præsertim ei, qui dudum ausuerit, sibi idem ipsum, vel sola natura nostra contemplatione, esse faciendum, sed huic tamen gerendus est mos, & proferenda diuinorum librorum testimonia. Qui habuerit substantiam huius mundi, (ait Ioannes Apostolus) & viderit fratrem suum egentem, & clauserit viscera sua ab eo, quomodo charitas dei manet in eo? Fratrem audis? iam non de exigua elemosyna, sed de hereditate cum eo, ut fratre, communicanda est cogitandum. Simul illud serua, si nulla spes salutis sine charitate reliqua esse potest, hic vero admoneris, charitatem Dei in eo non esse, qui viscera sua clauserit à fratre suo, quis non facile colligat, quid consequatur? Postremo quid dicturi illi sunt, qui existimant se tum demum, cum crustulum porrexerint, fratris egestatem lenasse? Cur indigentiam tam exigua sine circumclusis? quo id more? quo exemplo? vulgus fortasse hominum proponis? Non ad idoneos auctores pronocas, neque ego tibi tam infirmis argumentis sententiam meam probare conatus sum. At verò tantum, tot rerum numerum secum habet in-

72
digentia nomen, quantum ego percensere quidem numeran-
do non possum, sed velim, ut ipse per te ex ijs, quae tibi ex-
periris esse necessaria, fratris indigentiam metiare. Alio-
quin prauaricator es illius praecepti, quod tanti est, ut in
eo impleri legem dicat Apostolus. Diliges proximum tu-
um sicut teipsum, hoc enim mandatum habemus à Deo, ut
qui diligit deum, diligit & fratrem suum, neque enim ali-
ter deum amare putandus est. Qui enim non diligit fratrem
suum, quem videt, deum, quem non videt, quomodo potest
diligere? Quocirca qui proximum amat ut seipsum, nihil
amplius possidere, neque ditior illo fieri quaret. Quod si
domesticum fructum, atque splendorem, multorum solatio
antetuleris, quantum opibus auctus es, tantum de charitate
detraxisti. Quid? quod non solum non amas, verum etiam
iniuria afficis proximum? Quo pacto inquis, iniuria quen-
quam afficio, cum mea seruem? Rursus appellare audeas
tua? quae vndenam in hanc vitam tecum intulisti? imò ve-
rò quod commune fuerat, occupasti. Perinde quasi si quis
theatrum prior ingrederetur, & occupato iam loco, reliquos
extruderet, proprium indicans, quia ipse praeuerterit, quod
in medium omnibus positum est. Quod si tantum quisque ca-
peret, quatenus vitae vñsibus subueniret, & superflua relin-
queret indigenti, non essent, neque immanes diuitiarum a-
cerui, neque egenorum greges miserabiles. Quam verò ob-
eausam indignum quenguam putas, quem tibi adhibeas in con-
tuber

tubernium, cum eidem ipsi aque regni cælorum facta promissio sit, atque aut tibi, aut cuique opulentissimo? Quem ergo in ipso cælo tecum, fortasse & te maiorem, es habiturus, cum hoc exigua hæc terrena, debita præsertim, non communicabis? Potuit olim Lycurgus (ô factum memorandum, quodque, vel vnum locuples exemplum sit ad hanc vestram tenacitatem in iudicio condemnandam) potuit inquam vir ethnicus vniuersam Lacedæmoniorum ciuitatem ad bonorum equalitatem inflectere, nouam agrorum partitionem introducere, ut aqua in singulos ciues portio distribueretur, ut nihil aliud tota Lacedæmon, nisi multorum fratrum, qui inter se hæreditatem diuississent, amplissima quædam domus esse videretur. At qua id spe? nulla alia, nisi quod equalitatem maxime ad concordiam pertinere intelligebat, nulla illos mercedis à Deo accipiendæ cogitatio, nulla promissi cæli ob ea rectè facta expectatio alliciebat, & tamen sola vis honesti, & presentis concordis contemplatio, omnes in tam præclarum facinus conspirare fecit. At verò à Christianis inter tam felicia promissa præmia impetrari non potest id, quod longè facilius, ac leuius est, ut, cum sibi ea sumpserint, quæ ad victum cultumque, ad educandos liberos, & erudiendos sufficere possint, cætera tanquam non necessaria, suis atque adæo ipsius IESV CHRISTI Dei fratribus, concedere non recusent. Sed eos digna tanto errore demum pœna comitatur. nam eorum liberi, cum seruari sibi tan-

eas copias intelligant , virtutes auersantur , quas in medio-
 cri fortuna essent amplexanti , ocio tantum , & luxui operam
 dant , & breui relictas opes , quæ eorum parentibus ipso
 CHRISTO fuerant cbariores , deuorant , ac profun-
 dunt . Ite nunc , & nihil profuturas causas pratextite , &
 sæpius idem repetite , adesse vobis filios , quibus pecunias
 congeratis . Quanquam hanc non esse parandarum opum cau-
 sam illi ipsi arguunt , qui filiis carent , qui quamuis heredem
 nullum ex se habitura sint , attentius tamen inuigilant opibus ,
 quàm ij , qui plures liberos susceperunt . Morbus tantum est ,
 mihi credite , à quo tum demum , aut potius tum solum li-
 berandi estis , si vos bene penitus in Euangelica lucis fami-
 liaritatem dederitis , cuius ignoratio ita profundas tenebras
 offundit oculis vestris , vt ne oblatam quidem lucem intue-
 ri possitis . Quod si CHRISTI leges interdum , &
 præcepta consuleritis , hæc omnia nullo negotio vosmet ipsi di-
 iudicatis . Etenim vnusquisque vestrum ita secum loqueretur .
 Si esuriëntem sitientemque inimicum alere iubeor , quid
 tandem est , quod in proximum quengue vt fratrem non sit
 conferendum ? Ociofa ac lenia , ac volatilia verba , & eius
 generis , vt nemini damnum afferre possint , tamen in iudi-
 cium , & ad ipsa CHRISTI subsellia trahenda sunt ,
 verba , res , imò ne res quidem , cum verba plurimum à re-
 bus distent , sed tamen ita nunc appellantur , res , qua nihil
 est , cui facilius veniam demus . & eò magis , cum nihil in-
 est vi-

est vitij in eis , nisi quod sine vlla necessitate prolata sunt,
 & ea ipsa verba in illo totius orbis terrarum conuentu , in quo
 summa rerum agitur sub iudice CHRISTO , in ius
 vocabuntur . Quid ociosis pecunijs fiet , quæ dum apud me
 marcescunt , aut in res pessimas consumuntur , alius frigore ,
 alius fame conficitur , huius filij ob inopiam errant , illius a-
 dultæ filia , cum nemini locari sine dote possint , quæstus cor-
 poris vitam agunt non viuendam ? Quibus ego meam causam ,
 in re tam testata , tam aperta , defendam patrocinijs ? cum mi-
 hi ille regum rex obiiciet , cur alere equos , aut venaticos ca-
 nes , & aues maluerim , quam eos , quos fratrum appellati-
 one ipse dignatus est . Dicam id me ignorasse esse præce-
 ptum , & errori veniam dandam ? At quotidie ex Euange-
 lio clamat , eos in primis in iudicio execrandos , non solum ,
 qui alios spoliauerint (nam ij sua iam ipsorum iudicante con-
 scientia sunt condemnati) verum etiam , qui fuerint obliui be-
 neficentia , Dicam fuisse tempori seruiendum , in quo si vi-
 tæ splendor seruandus erat , in hac hominum luce , nihil ex
 infinitis opibus , quod in proximum quæque impertirer , su-
 persuum esse videretur ? at me ratio docuit , non esse ista vul-
 gi , & imperite multitudinis errore metienda . aliòqui quem
 ad finem se referet effrenata cupiditas , quæ in maximis co-
 pijs maior semper fieri consuevit ? Cum prohibear Euangeli-
 cis legibus pro victu , & cultu corporis esse sollicitus , rebus
 tam ad vitam necessarijs , vt sine ijs non viuatur , quæ erit

idonea excusatio, voluisse me opulentos filios relinquere, &
 ampliori dote filias nobilioribus collocare, aut sexcenta alia
 proferre in medium, quorum falsis appellationibus auaritiæ
 crimen nobis prætendere soleamus? Ergo expectabo, dum in
 Geennam, & aternos illos cruciatus miser detrudar, ob exi-
 guam hanc, & umbræ similem contemplandarum opum vo-
 luptatem? & pro vnius dicula fructu patiar perpetuo exi-
 lio relegari? Quis hanc insanus conditionem accipiat? Siccō-
 rum ne hæc consilia sunt, an potius somnia vinolentorum?
 Hæc, & his etiam acutiora excogitare ex se quisque vestrum
 posset, si frequentius cogitationes vestras Euangelica do-
 ctrina regula corrigeretis. Neque verò velim existimetis,
 me hac oratione ad summam vos Christiana philosophiæ ar-
 cem inuitasse. Nondum enim vobis beatissimam solitudinem,
 & sylvas, montesque proposui, nondum probavi longè feli-
 cius esse, quod ad hanc etiam ipsam vitam pertinet, depositis
 omnibus impedimentis, & à diuitiarum finis expeditum phi-
 losophari. Non enim potui loqui vobis tanquam iam adultis,
 sed tanquam paruulos lacte vos alui, non solido cibo. Hanc
 autem perfectiorem partem olim fortasse, cum vos videro
 exercitiores, diligentius persequemur. nunc satis sit ea vos
 admonuisse, vt caueretis, quæ iter vestrum ad immortalem
 vitam prohibere possent. Qui si quibus seueriora dixisse vi-
 sus sum, quàm antea audierint, sciant isti, non orationis
 id mea, sed diurni erroris sui culpa accidisse. Ego verò
 liber-

rimè, & maxima voce, vt omnes exaudire possint, dico, semperque dicam, in montem etiam excelsum, si opus fuerit, ascensurus, vt de loco superiore à pluribus audiat. Si quis, cui opes suppetant, & facultates, ab hac non mea, nunquid enim harum rerum à me fingitur? sed Euangelica sententia voluerit dissidere, huic ego salutis spem reliquam esse nullam video. Qui spreuerit, spernito, nos, quos à diuinis literis accipimus, prædicamus. Vos autem optimi Ciuēs, si vobis probaui, neque natura, neque diuinis legibus, opes commendari, nec eas propterea appetendas, quod aut laudabilem, aut saltem delectabilem vitam faciant, sed contra potius, nimiam earum copiam, ad iucunditatem, & ad præclarissima quaque studia esse impedimento, quodque omnium maximum est, ab ipso Deo, & perpetuis illis in cælo promissis bonis auocare, incipite tandem, veris opinionibus assuescere, atque intelligere, vos non ad parandas opes, sed ad longè præstantiora studia factos esse, non vxoris, ac filiorum cogitatio Euangelij monitis, atque adeò vestris, & eorundem ipsorum saluti anteponatur, quos non vobis Deus ea lege dedit, vt propterea CHRISTI legibus; consilijsque aduersaremini. Qui cum dicit. Si vis perfectus esse, vende quæ habes, & da pauperibus, non minus ijs, qui liberos susceperunt, quàm reliquis omnibus verba facit. Memen-
tote iam iamque esse recedendum, & ex hac tanquam scena, & vitæ fabula, ad res serias esse demigrandum. Colligende

38
sarcinis, & parandum tanti itineris viaticum est, quod non
erit opes imminuere, sed exiguo precio immortales, ve-
râsque diuitias preparare. Moueat vos illius aternitatis ad-
miranda recordatio, quam, nunc in potestate vestra est,
felicissimam malitis, an supremis plenam habere calamitati-
bus, in cuius aternitatis contemplationem si vos bene penitus
dederitis, fiet, vt opiniones omnes vestras, non ad
has humiles, sed ad diuiniore, & latiore specie
rationes, tanquam ad clarissimos septen-
triones, referatis.

FINIS.



G. Dicai.

Discipulus quidam sapientum band vltimus olim
Jacundo ad seuam compulit ore necem.
Sed tu docte Clari gemmas contemnere, et aurum
Lectorem coges, sit licet ille Midas.
Tu maior, vita est multis quia vilior auro,
Et mors est miseris portus vbique viris.

Eiusdem.

Quisquis letali cruciaris peste, nec vllam
Noscis adhuc requiem diues inopsq; simul,
Quisquis es in nostro non fictus Tantalus orbe,
Sisyphus, Ixion, Iapetionides,
Hac lege, nam Clarij sunt hac oracula Phæbi,
Hic tamen est clarus, veridicusq; magis.

O Etiani Arcimboldi.

Quis uouus hic morbos animorum sanat Apollo,
Quis diram verbis tollit auaritiam?
Agnosco, est Clarius dignus cognomine tanto
Doctrina, sanctis moribus, ingenio.

